

Na osnovu člana 13. stav (4) Zakona o novčanim podrškama u poljoprivredi i ruralnom razvoju ("Službene novine Federacije BiH", broj 42/10) federalni ministar poljoprivrede, vodoprivrede i šumarstva, donosi

PRAVILNIK
O IZMJENAMA I DOPUNAMA PRAVILNIKA O NAČINU I USLOVIMA
OSTVARENJA NOVČANE PODRŠKE PO MODELU POTICAJA PROIZVODNJI

Član 1.

U Pravilniku o načinu i uslovima ostvarivanja novčane podrške po modelu poticaja proizvodnji („Službene novine Federacije BiH“, br. 32/17 i 55/17), u članu 4. stav (1) u alineji 7, iza riječi kajsija dodaju se riječi „lješnjak i malina“.

Stav (3) mijenja se i glasi:

„(3) Proizvodnju sadnog materijala:

- krošnjastog voća,
- jagodičastog voća (kupina, borovnica i brusnica),
- vinove loze“.

Član 2.

U članu 11. stav (1) tačka c) alineja devet riječi „u 2017. godini“ zamjenjuju se riječima „u tekućoj godini“.

Stav (1) dopunjuje se novom tačkom p) koja glasi:

„ p) prijavi proizvodnju najkasnije u roku 15 dana od početka proizvodnje, osim za mjere u kojima je u posebnim uslovima drugačije propisano“.

Član 3.

U čl. 17.i 18. stav (1) tačka a) riječ „intenzivnu“ se briše.

U članu 18. u nazivu člana, iza riječi „kajsija“ dodaju se riječi „lješnjak i malina.“

Član 4.

U članu 20. stav (3) dodaje se nova tačka d) koja glasi:

„d) dokaz o kupljenom sjemenu/presadnicama u skladu sa članom 11. stav (1) tačka c) ovog pravilnika, a za donirano sjeme/presadnice dokaz o vrsti i količini doniranog sjemena/presadnica.“

Član 5.

Naziv člana 25. mijenja se i glasi: (Proizvodnja deklarisanog sadnog materijala krošnjastog voća (sav priznati sadni materijal), jagodastog voća (kupina, borovnica i brusnica) i sadnica vinove loze.

Član 6.

U članu 27. stav (1) tačka a) na početku teksta dodaju se riječi „Posjeduje tri mliječne krave“.

U stavu (1) tačka d) riječi: „za II i III kvartal 2017. godine klijent vrši prijavu početka proizvodnje najkasnije u roku od 15 dana od dana stupanja na snagu ovog pravilnika“ se brišu.

Član 7.

U članu 30. stav (1) iza riječi „klijent“ dodaju se riječi (pravno lice ili obrt).

U stavu (1) tačka c) mijenja se i glasi: „c) Prilikom podnošenja P-1 Obrasca starost krava prvotelki - rasplodnih junica ne može biti manja od 14 mjeseci, niti veća od 24 mjeseca“.

U stavu (3) tačka c) mijenja se i glasi: „c) pasoš za majku junice na ime klijenta“.

U stavu (5) riječi „ i potvrda o gravidnosti“ se brišu.

Član 8.

U članu 39. stav (1) tačka b) riječi „3kg“ mijenja se riječju „2kg“

Član 9.

U članu 40. stav (1) tač. b) i c) mijenjaju se i glase:

„b) dostavi dokaz o nabavci, za one koji kupuju mlađ za dalji uzgoj, odnosno knjigovodstvenu ispravu za one koji proizvode vlastitu mlađ, izraženo u broju komada po kilogramu“.

„c) u uzgoj uvede minimalno 20 kom/kg mlađi, odnosno proda maksimalno 5 kom/kg konzumne ribe.

U stavu (1), iza tačke h) dodaje se nova tačka g) koja glasi:

„g) proizvode ribe najviše do dozvoljenog kapaciteta po rješenju od nadležnog organa“.

U stavu (3) tačka c) mijenja se i glasi:

„ c) Rješenje da objekat udovoljava propisanim veterinarsko-zdravstvenim uslovima.

Član 10.

Član 41. (Uzgoj izvornih zaštićenih pasmina životinja - bosanski brdski konj, domaća buša, domaći magarac i pas tornjak) mijenja se i glasi:

„(1) Klijent ostvaruje pravo na novčanu podršku za minimalno jednu rasplodnu životinju u reproduktivnoj sposobnosti izvornih zaštićenih pasmina životinja, ako pored općih uslova propisanih članom 11. ovog pravilnika ispunji i sljedeće posebne uslove:

a) posjeduje životinju uzgojenu u čistoj krvi ili u tipu neke od izvornih zaštićenih pasmina životinja;

b) podnese zahtjev Federalnom poljoprivrednom zavodu Sarajevo ili Federalnom Agromediterranskom zavodu Mostar (u daljem tekstu: Zavod) za izlazak na mjesto proizvodnje na Obrascu – IZP najkasnije do 15.07. tekuće godine, koji se nalazi u prilogu ovog pravilnika i čini njegov sastavni dio. Službenici zavoda će najkasnije do 01.09. tekuće godine izvršiti obilazak mjesta uzgoja, evidentirati grla uzgojena u čistoj krvi ili izvršiti procjenu pripadnosti životinja izvornoj zaštićenoj pasmini koja je predmet podrške, te na osnovu toga izdati potvrdu uzgajivaču o pripadnosti pasmini;

c) grlo koje je predmet novčane podrške dužan je zadržati u vlasništvu najmanje dvije godine od dana podnošenja zahtjeva, a u slučaju uginuća, prinudnog klanja/eutanazije ili izlučivanja radi remonta stada u toku godine (maksimalno 30% stada), obavezan je posjedovati zapisnik nadležne veterinarske organizacije ili kantonalnog veterinarskog inspektora;

d) nakon što službenici zavoda izlaskom na lice mjesta uzgoja jedanput utvrde pripadnost životinje izvornoj zaštićenoj pasmini životinja, uspostavljaju evidenciju pripadnosti pasmini, na osnovu koje izdaju potvrdu klijentu za to grlo. Klijenti koji imaju utvrđenu pripadnost životinje pasmini, dostavljaju potvrdu iz evidencije nadležnog zavoda;

e) podnese prijavu početka proizvodnje kantonalnom ministarstvu na Obrascu P-1 najkasnije od 01.01. do 01.06. tekuće godine.

(2) Ovlašteni službenik je dužan u roku od 90 dana od dana podnošenja prijave početka proizvodnje sačiniti zapisnik - Obrazac ZAP. Klijent je dužan da u dogovoru sa nadležnim službenikom osigura odgovarajuće uslove za utvrđivanje proizvodnje na terenu radi sačinjavanja zapisnika.

(3) Za ostvarivanje prava na novčanu podršku klijent najkasnije do 01.10. tekuće godine, dostavlja nadležnom kantonalnom ministarstvu u originalu ili ovjerenoj kopiji i sljedeću dokumentaciju:

a) popunjen Obrazac Z-1;

b) potvrdu Federalnog poljoprivrednog zavoda Sarajevo ili Federalnog Agromediteranskog zavoda Mostar o pripadnosti izvornoj pasmini;

c) pasoš za životinju, a za životinje koje nemaju pasoš potvrdu nadležnog veterinaru o broju mikročipa;

d) potvrdu o izmirenim obavezama u skladu sa članom 11. stav (3) ovog pravilnika;

e) izjavu klijenta da će grla koja su predmet novčane podrške zadržati u vlasništvu najmanje dvije godine od dana podnošenja zahtjeva za ostvarivanje novčane podrške, te da će ista grla staviti u planski rasplod prema uputstvu navedenih ustanova, a za psa tornjaka izjavu da će životinju koja je predmet novčane podrške zadržati u vlasništvu najmanje dvije godine od dana podnošenja zahtjeva.

(4) Kantonalno ministarstvo najkasnije do 20.10. tekuće godine dostavlja Federalnom ministarstvu Zahtjev propisan članom 9. Pravilnik o načinu i uslovima ostvarivanja novčane podrške po modelu poticaja proizvodnji („Službene novinama Federacije BiH“, br. 32/17 i 55/17).

(5) Prijem, obrada i obračun zahtjeva se vrši u skladu sa čl. 7, 8. i 9. ovog pravilnika i na osnovu potvrde o pripadnosti pasmini koju je izdao Federalni zavod, te zapisnika nadležnog kantonalnog ministarstva.“

Član 11.

Član 42. (Prelazne odredbe) mijenja se i glasi:

(1) „(1) Klijent koji je započeo proizvodnju u prošloj godini a završio je prije stupanja na snagu ovog pravilnika, zahtjev sa kompletnom dokumentacijom dostavlja kantonalnom ministarstvu u skladu sa važećim Pravilnikom o načinu i uslovima ostvarivanja novčane podrške po modelu poticaja proizvodnji u momentu završetka proizvodnje i Programom za tekuću godinu.

(2) Prilikom podnošenja zahtjeva, klijent može koristiti i Obrazac Z-1 koji se nalazi u prilogu ovog pravilnika.“

Član 12.

Ovaj Pravilnik stupa na snagu narednog dana od dana objave u "Službenim novinama Federacije BiH".

M I N I S T A R

mr.sci. Šemsudin Dedić